


MARTINICO ANTONINO

L'ALLAGAMENTO

di Trapani e circondari

Composizione poetica siciliana



I

Cu leggi sapi li particolari
di quantu successi na sta scittà
di peni e di turmenti amari
e di li straggi fatti in quantità
di quantu danni vinuti a criari
di certu a memoria restirà
un niuru timpurali saffacciau
e lu gran mascellu cumminau

II

Settembri fu chi vinni amaru
misi bizzarru e dannaggero
fici paura senza riparu
scantari ni fici pi daveru
li trona nall'ariu 'ndunaru
li saitti di russu si visteru
na trona e lampi lariu saffuscau
e la gran forte acqua scatinau

III

D'acqua si furmau na timpistata
rumpennu ponti sciume e vallate
mura caruti terra franata
quantu ruttore a linie firrate
lala scitta e bilisci sdirrupata
chi veloci scianu l'acque affangate
e sa corrente na cunsumatu
mezza scittà e campagna allagatu

IV

Allagamentu di granni istenzione
e nun si sapia unni scappare
di l'acqua era forte la pressione
e si furmau tuttu un mare
ogni persuna era in confusione
chi brutto momento di passare
cu supra li tetti e li sulara
ognuno la morti si ripara

V

Riparu tutti nun pottiro trovarli
 e ci ni foru di l'acqua trasportati
 aiuti nun si putia dari
 cu sta currenti e li venti affacciati
 povira genti che morte pruvati
 mmezzu l'acqua essiri annati
 unni era un metro e unni dui
 e cu scumparsi nun si vitti chiui

VI

Si viria supra la currente
 vacche e pecure fussi scappate
 porci e galline in ogni turrente
 cunigghia e cani di l'aqua purtate
 di campagna erano riscinnente
 tutti sarmali supra li chinate
 quantu miluna a flotta si viria
 e lu mari tuttu si riscivia

VII

Quantu scippa d'alivi scippati
arvuli di pessichi e di nusci
e quantu si ni truvàru sbandati
pali di lelefuni e di lusci
cantuna e petre sparpaghiati
la timpesta versu mari li cunnusci
quannu agghiurnau sa matina
quantu ni purtau a la ruvina

VIII

Macaseni di vena e crusca fina
persiru tuttu senza ricavare
furnara ittaru sacchi di farina
'mpasta tutla d'acqua di sciumare
biscotti dolci paste e bocconcina
dintra e fora tutto a galleggiare
e cu l'acqua ancora chi chiuvia
ognunu chiù 'mpericulu si viria

IX

Successi puru natru cumplicatu
pi essiri ancora chiù nguaiati
l'acquadottu fu scumpussulatu
e vinniru i momenti dispirati
mancu d'acqua essiri saziatu
cu li rutturi tutti cose mmiscati
cu l'autobotti e guardie affiancati
sudisfavabu un pocu l'assitati

X

Omini e donni tutti schirati
pi ghinchisi li so riscipienti
curreru tutti fussi chiamati
unneranu l'autobotti distribuenti
ma foru ammatula arrivati
picchi d'acqua non c'era chiù nenti
e si ni vannu tutti vastuniati
mmaliriscennu li niscissitati

XI

Arriva nautra utte prestu allura
s'i incheru giarre e li pignate
ficiru cu la massima primura
pi ghinchisi chiddi sbacantate
chi bedda vita chi vinni si dura
essire comn pecure ammassate
e quantu sciarri vinuti a criari
sulu pi viviri e cuscinari

XII

Poi quantu ncampagna disaggiate
chi pocu usu di terra ponnu fare
l'annu chinu di petre e di balate
e non tutta la ponnu cultivare
li zucchi su cu rascina vurvicate
e pi sempri fineru vinnignari
pi la rinazzatura essai abbunnata
finiu la ricata pi sa cuntrata

XIII

Cera cu rintra sintia lu rumuri
e viria li mobili abballari
casciuna di robba e di valuri
pocu ni pottiru riscimulari
bianchiria fatta cu suduri
nell'acqua e fangu a galleggiari
lu poviru arristau cunsumatu
lu cani muzzica sempre lu sciratu

XIV

Eppur cè ancor peggju di nui
chi na lu cori ricordu annu
e nun sunnu ne uno ne dui
causati di stu terribile dannu
ce li morti e nun tornanu chiui
e li famighi sempri chiancirannu
cu perse madri figghi e cunsorte
pi stuscicluni appiru la morte

XV

Una famiglia mentri chiuvia
 si vitti dintra l'acqua abbunnata
 la timpesta porti e finestre rapia
 e prestu sinnia pi essiri salvata
 un picciriddu nbrazza tinia
 la povira madri scunsulata
 mentre cunfusa nall'acqua cariu
 e lu picciriddu scumpariu

XVI

Un automobile a Marausa ia
 mmezzu di l'acqua caminava
 era allagatu e spaventu fascia
 supra la tettoia ognun si riparava
 mentre l'undata chiù forte vinia
 morsi unomu e si lu trasportava
 e quantu ci ne ancor di si casate
 puru morti na lautri cuntrate

XVII

Nautru automobile sbinturatu
versu lu Fiature si diriggia
la timpesta lu ponte a sdirrupatu
e la vittura no stessu tempu caria
cu tri persuni avia viaggiatu
e morsiru na l'acqua e fangaria
e lu scicluni quantu cosi fisciu
di morti e danni a l'infelisci

XVIII

I morti sunnu ottu cuntati
e novi cu lu scumparsu fannu
sinu a Favignana ni su arrivati
supra lu mari galliggiannu
quantu famighi sunnu alluttati
e chi ora di niuru stannu
ricurdirannu luri e momenti
ricordu lassatu di stallamenti

XIX

Chi brutta sorti chi bruttu destinu
chi brutta morti morriri anniati
chianci padri e madri e lu vîscinu
chianciunu puru li so parentati
chissu e forti luttu scittadinu
luttu pi li famigghi addulurati
anchi pi lu populu lu stessu
pi sti disgrazie chi ha successu

XX

L'annu sessantascincu fu su riuri
chi filu di torciri retti a filari
fu li dui settembre a setti uri
e chi di certu nun si po scurdari
misi disgraziatu e tradituri
quantu dannu vinni a criari
sempri si pensa su mise passatu
chi ni purtau lu focu addumatu

XXI

Ferma la mente e la me musa
ognunu resta cu la so posa
lu dannu fu na cosa virgugnusa
mai successu na paraggia cosa
poveri morti chi morte cunfusa
ognunu o scimiteru ora riposa
ca chiuri versi raccontanti e sciaguri
Ninu Martinicu che lauturi.

